



50. ԽՈՋԱ ԱՆԻ

Ժամանակով մեկ բաղրկյան կէղի, անունը Խոջա-Անի: Էտի կէրթա խրիտ էնելու, խրիտից օր կը դառնա կիգա, ճամփու մեջ տեղ ձեն կիտան, թե՛ «Խոջա՛, եռեսուն իննը մարդ սպաներ եմ, քեղի էլ կսպանեմ՝ կէղնի քառասուն»։ մեկ էլ ձեն կուտա. «Եռեսուն իննը մարդ սպաներ եմ, քեղի էլ կսպանեմ՝ կէղնի քառասուն», մեկ էլ ձեն կուտա. «Եռեսուն իննը մարդ ըսպաներ եմ, քեղի էլ կըսպանեմ՝ կէղնի քառասուն»։ Կը դառնան շուռ կիդան էտերենք, զաղի մեջ իսանի մեկ շոր քյալա կը գտնեն:

Նոքարին կասա.— Էտի սըխկա, լից շուշեն:

Ու գիգան ուրանց տուն կը հասնին: Ինչգահ օր բեռներ կը թափեն, ախշիկ կիգա էտ շուշեն կը վերցու, քիչ կառնի կուտա ուր լեզուն ու շուշեն կըտանա ուր տեղ կը դնա: Զորս կամ հինգ ամիս գընցնի, էն մեկ օր Խոջեն ջուր կուղե, ախշիկ ջուր կըտանա լվացվելու, Խոջեն կը տեսնի օր ախշիկ էրեխով ա, թուր կը քաշա կուգա, ախշկան կասա.— Գլուխդ կը կտրեմ, քու հանգամանքդ դուզ ասա, էտ ո՛ւմ հետ ես նստե, կայնե:

Ախշիկ կասա.— Խո՛ջա, ըսկի մեկ մարդու հետ ես չեմ նստե, կայնե. էն օր, օր դու էկար, ջուշի մեջ մեկ սիվտակ դեղ կար, լեզուս տվեցի, էնդըրնե է էղե:

Խոջեն թուր կը զարնե տեղ, կը դառնա դիմնա օր էն քյալից է էղե: Կը մնա իննը ամիսն օր կը թըմըմի, ախշիկ կը պառկի, կը բերա մեկ տղա. էղնելու պաշտան ձեն կիտա թե.— Ես տկլոզ մեռա, ընծի շոր բերեք:

Շոր օր կը բերին կը հագուն, ձեն կուտաւ.—Ես անոթի մեռա, ընծի հաց ավեր:

Կը մնա, իրկուն հոջեն դուքնից կիզա:

Կասա.—Պապե, ընծի ինչի՞ շես տանե դուքյան:—Մեկ օր, կամ տասն օր կասա՝ պապեն հանկաճ չի էնա: Իլլաճ կը կտրվի, էն մեկ օր հետ կը տանա: Հետը օր կը տանա, թագավորի տղեն ու վաղիրին ջրինթ կը խաղան, կասա:—Պապե, հ'ելի էրթանք թամաշա էնինք:

Կասա.—Թափտըղ՝, ձիան ձեզի կը տրորեն, դու չը կարնաս հ'իդաս:

Կըսե.—Քու տուն ջինվի, գելնիմ մեկ բանձր բաղանի վրեն կը կայնիմ:

Գելնին կէրթան ինքն ու պապեն կկայնին մեկ բանցր բաղանի վրա: Վաղիրի տղեն ջրինթ կը զարկա, թագավորի տղի ձիու փորին կը քիսնի:

Թափտըղ կասա.—Պապե, տեսա՞ր, վաղիրի տղեն զարկեց թագավորի տղի ձիու քուռկու աչք փորի մեջ քոռցուց:

Թագավորի տղեն լսեց, էկավ ասեց.—հոջա, դու ի՞նչ դինաս թե իմ ձիու քուռկի աչք քոռցուց:

Ասեց.—Ես չեմ ասի, իտա Թափտըղ կասա:

Թափտըղն ասեց.—Ես կասեմ աչ աչք քոռցուց, ճակատ շալ ա քուռկու, հ'ետի ձախ ոտ շալ ա, տասն օրից ետ էլ կծնի,—ասեց:

Թագավորի տղեն գնաց թագավորին վաղիրի տղի վրա զանդառ էրեց, թե վաղիրի տղեն զարկեց իմ ձիու քուռկու աչք քոռցուց:

Ասեց.—Որդի՛, դու ի՞նչ դինաս փորու մեջ քոռցուցեր ա:

Ասեց.—հոջա-Ալին ասեց:

Ճամփեց հոջա-Ալուն խանչեց բերեց:

Ասեց.—Թափտըղ, էտ ի՞նչ օյին էր հանիր իմ գըլուխ:

Ասեց.—Պապե, մի՛ վախենա, էլի կասեմ ու ես էլ կիզամ:

Առավ Թափտըղին հետ գնաց:

Գնաց թագավորի դիվան, թագավորին գլուխ տվեց:

Ըսեց.—հոջա, դու էտ ի՞նչ ես ասե, թե ձիու քուռկու աչք քոռցեր ա:

Ասեց.—էտ ես չեմ ասե, էտ Թափտըղ կասե:

Ասեց.—Թափտըղ, դու ի՞նչ գիտցար, օր ձիու քուռկու աչք քոռցավ:

Ասեց.—Ես գիտամ աչ աչք քուցեր ա, ճակատ չալ ա, ձախ
ոտ չալ ա, քուռակն էլ որձ ա: Տասն օրից ետ էլ ղսրախ կը ծնի:

Ըսեց.— Խոջա, Թափտըղ էլ չեմ իտա քեզի: Կը պահեմ, Բե
օղորդ էղավ՝ պրծավ, Թե օղորդ չէղավ՝ դուխը կը զարկեմ:

Պահեց, տասն օրից ետ ղսրախ ծնավ, ծնավ օր Թափտըղի ա-
սած բիրադի օղորթ էր, Թափտըղին էլ շտվեց Խոջին, պահեց ուր
հառեց:

Թագավորի ախշիկ լսեց, օր Թափտըղ էտ քուռկու վրայով խո-
սեր էր, օղորթ էր դուռ էկե: Ուր շորեր ճըղճըտելով դիր գրեր էր
Թագավորին, Թե էտ Թափտըղ պահեր ես ընծի համար, ես էտոր
չեմ առնի, աստվոր չեմ մտնի: Տեսնիս օր ես կուս եմ, որձ մար-
դու մորթած միսն էլ չեմ ուտի:

Ասեց.— Անիծված, էտ իմ Թափտըղն ա, պահեր եմ ընծի հա-
մար խոսքեր հիմնալու, խո ես քու համար չեմ պահերի:

Մեկ օր Թագավորն ու Թափտըղ հելան գացին Խաս-բախեն:
Ախշիկ օր հիմցավ, շատ յաման ուր շորեր ճըղճեց, Թե դու պա-
հեր ես ընծի համար:

Ասեց.— Թագավոր, քելա, անկաճ մի՛ էնե: Գացին Խաս-բախ-
չեն զըվրոնեցին, էկան հավուզի վրեն, էրկու ձուկ փաթըթվան հի-
րար, ծափ տվեցին, Թուան բանձրացան ու ընկան ջրի մեջ:

Թագավորն ասեց.— Թափտըղ, ի՞նչ ասին էտ ձկներ:

Ասեց.— Թագավոր, ձուկ ին, ես ի՞նչ գիտամ ինչ ասին:

Ասեց.— Դու ի՞նչ գիտցար ձիու փորու մեջ քուռկու աչք քուռ-
ցավ, էտի չը դինաս:

Ըսեց.— Նստի ասեմ, կը փոշմընիս:

Ըսեց.— Ասա՛:

Ըսեց.— Ժամանակով քու պես մեկ Թագավոր կար, էն Թագա-
վոր ուր համար մեկ շահմար օձ կը պահեր, գիշեր ցերեկ ուր մոտն
էր. էղավ, օր Թագավոր ծերացավ, ինք Թախտից իջավ, տղեն դրեց
Թագավոր: Ըսեց. «Որդի՛, իմ շահմարը միշտ քու հետ կպահես,
քեզի լավ կը պահա՞ս: Տղեն բիրադի վազիրներ փոխեց, մեկ օր էտ
Թագա վազիրնէր հելան գացին սեյր էնելու Թագավորի հետ: Վա-
ղիրի մեկ ըսեց Թե. «Թագավոր, էտ մոնտառ ջանավար ինչ է, առեր
եւ քեզի հետ ման կածես»:

Ասեց.— Ախր իմ հերն ա Թամպահ էրե:

Ասեց.— Ընտոնք անխելք մարդ են, էտ ջանավա՞ր պըտի Թա-
գավորութեն հաստատ պահա:

Ասեց.— Բա ի՞նչ էնիմ էտոր:

Ասեց.—Թուր թալ կտրա, թալ դեն:

Քաշեց թագավոր թուր թալեց, էրից էրկու կտոր, թալեց դեն: Շահմարն էլ դարձավ թագավորի սրտից զարկեց, մեջքից տվեց դուռ, թագավոր մեռավ: Հավար տարան մեծ թագավորին թե. «Արի՛, քու տղեն շահմարին ըսպանեց, էն էլ՝ քու տղին»:

Թագավորը հ'ելավ էկավ, տեսավ օր շահմարը մտեր էր քարի տակ:

Հսեց.—Շահմար՛ր, հ'ելի արի, էրթանք, ես ու դու առաջվա պես կառավարվինք:

Հսեց.—Չէ՛, նեա դու քու տղի գերեզման կը մոռնաս, նեա ես իմ պոչ կը մոռնամ:

Հսեց.—Թագավոր՛ր, էն թագավոր փոշմընա՞վ, թե՞ չփոշմընավ ուր տգի թագավոր դնելը:

Հսեց.—Դու էլ կփոշմընիս, հ'ելի էրթանք:

Հ'ելան թագավորն ու Թափտըղ էկան պալատ: Մի քանի օրից ետ էլի գացին հաս-պախչեն, էկան թագավորի ախչիկ ուր շորեր ճըղըրտեց, ըսեց.—Դու աստված չունի՞ս, ես կուս եմ, դու էտ Թափտըղ պահեր ես ընծի համար:

Հսեց.—էտի իմ Թափտըղն ա, քեզի համար չեմ պահե:

Հ'ընցան գացին հաս-պախչեն, էկան զըվըռնեցին, հավուզի վրեն նստան, տեսան էրկու ձուկ փաթըթվան հ'իրար, ծափ տվին, թռան ընկան հավուզի մեջ:

Թագավորն ըսեց.—էտ ի՞նչ ըսին, Թափտըղ:

Հսեց.—Ես ի՞նչ դիմամ ինչ ըսին:

Հսեց.—Դու ի՞նչ գիտցար բռնկու աչք ուր մոր փորու մեջ քոռցավ, էտի չես դինա:

Հսեց.—Թագավոր, նստե՛, էտոր առարկեն ըսիմ՝ կը փոշմընիս:

Հսեց.—Ժամանակով մե անբախտ դերձիկ կար, էնքան անբախտ էր, օր ըսկի մուշտարի չուներ. փողոցներուց ճոթի կըտորտանք կը ժողվեր կը բերեր, կը կարեր, ուրիշներու էն խաս կտորից թանկ կծախվեր: Մեկ օր հ'ելավ տեսավ, օր մեկ արծիվ հ'իշեր էր բատանի՛ պատին: Տեսավ օր էրկու դաղ ղնավուզ փաթթուկ էր ոտ, ըսեց. «էրթամ էտի ղնավուզ պրծում բերիմ, կարիմ ծախիմ, ընծի աշխատանք կէղնի»: Գնաց ինչ ղըզըր օր բռնեց, առծիվ թռավ, անբախտ դերձրկին տարավ մեկ անվերի մեշի մեշ թալեց, ուրենք

1 Պարիսպ (Մ. Բ.):

գնաց, Դարգին դես-դեն իշկեց տեսավ, օր մեկ դեխից ծուխ դելներ, գնաց տեսավ օր շինութեն էր, մտավ մեջ, տեսավ կերակուլ, հաց, հ'ըմեն մեկ բան հազըր էր ու մարդ չկեր: Հաց կերավ ու գնաց մեկ տախտի տակ տապավ: Տեսավ հ'իրկուն իրեք հատ հուրի էկան: Մեծ քուր պղտի քոռ ըսեց. «Վա՛յ ախի, անբախտ դերձիկ բերեր են. թողեր իմ մեջի մեջ, գնա բի բախտավորացունք»: Գնաց էն ղըղըր զըվըռնեց, չը գտավ: Դարձավ էկավ, ըսեց.—Չկա: Մեկել քոռն էլ ճամփեց, էն էլ զըվըռնեց էկավ, ըսեց. «Չկա»: Հ'ելավ օր ինքը պղտի էրթեր, անբախտ դերձիկը նոր տախտի տկից ղուս էկավ, ըսեց.— Խանըմ, էկիր եմ:

Ըսեց.— էն լավ օր էկիր ես:

Նստան կերան, խմին, քեֆ էրեցին: Քնելու վախտ պղտիկ քոռ ըսեց. «Գու տեղդ տար թալ, անբախտ դերձիկին բախտավորացու»: Տարավ թալեց, ինչ իլլաճ էրեց, դերձիկ չգնաց ընտոր մոտ: Ախիկ էկավ, ըսեց. «Չէկավ իմ մոտ»:

Միջնեկ քոռ ըսեց. «Դու տար բախտավորացու»: Ընտոր մոտն էլ չգնաց: Ըսեց՝ «Իմ մոտն էլ չէկավ»: Մեծ քուրն ըսեց՝ «Իմ մոտ կը քնի՞ս»: Ասեց.— Հա:

Մեծ քուր ուր տեղ թալեց, ըսեց.— Նեա իմ մեջքի դեն կիգաս, նեա իմ հ'առջի դեն կիգաս, նեա իմ գլխու դեն կիգաս, պղտի իմ յորդան բանձրցու՝ իմ հ'ոտներու դեն իգաս: Ինչ ղըղըր օր յորդան բանձրցուց, լանգով զարկեց դերձուկի ղլխուն, դերձիկ տեսավ ուր դուքնի դուռ կայնուկ էր:

— Թագավոր, — ասեց, — էն դերձիկ օր ընդոնց մոտ չըր քնե, փոշմընա՞վ, թե չփոշմընավ: Ընդոր պես դու էլ կը փոշմընիս: Ըսեց.— Հ'ելի էրթանք:

Հ'ելան էկան թագավորի պալատ:

Մեկ քանի օրից հ'ետ, էլի հ'ելան գացին Խաս-պախեն: Թագավորի ախիկ մեկ խալմաղալ դրեց, թե՛ «Դու էտ պահեր էս ընձի համար, ես կուս եմ»:

Ըսեց.— Անիծած, էտ իմ Թափտըղն ա, էտի ընձի համար եմ պահե, քեզի համար չի:

Թափտըղն ասեց.— Քելա՛, թագավոր, անկաճ մ'էնի: Էկան Խաս-պախեն զըվըռնան, էկան հավուզի վրեն նստան: Զկներ փաթթվան հ'իրար, ծափ տվին, թռան ընկան ջրի մեջ:

Թագավորն ըսեց.— էտ ի՞նչ ըսին, Թափտըղ:

Ըսեց.— Ես ի՞նչ գինամ ինչ ըսին, թագավոր, ձուկ ին, թռան ընկան:

Ըսեց.—Պու ի՞նչ գիտցար քուռկու աչք մոր փորու մեջ րոտցավ,
էտ րնչի՞ չես գինա:

Ըսեց.—Թագավո՛ր, կասեմ, հըմա կը փռնմընիս:

Ըսեց.—Ասա:

Ըսեց.—Թագավոր, ժամանակով քու պես մեկ թագավոր
կար,—ըսեց,—էտ թագավորին մեկ տուտի ղուշ ուներ, օրերից մեկ
օր, Լրկու ղուշ էկան հիշան թագավորի փանջարեն, ղշերը իրար
հետ խոսացին, ըսեց. «Ինչ կասեն, տուտի, էտոնք»: Ըսեց.— էտոնք
իմ հոր քրոջ տղեքներն են, հարսնիք կա, էկեր են ընծի կը խանչեն:

Ըսեց.—Տուտի, թողեմ՝ էրթաս չիգաս:

Ըսեց.—Դիզամ, թագավոր:

Ըսեց.—Դեհ,—ըսեց,—օր գիգաս, ձեր էրկրիցը ընծի համար
մեկ ընծա րեր:

Շնորհակալութեն առավ թագավորից ու թռավ գնաց: Գնաց
տասն օր, յա տասնհինգ օր մնաց: Էն մեկ օր թագավոր տեսավ
օր տուտին էկավ, բերեց մեկ խնձորի կուտ գրեց թագավորի շո-
քին: Թագավորը խանչեց բաղմանչուն, ասեց. «Տար մեկ տեղ տըն-
կե»: Տարավ տնկեց, չորս տարի, յա հինգ տարի մնաց, տեսավ օր
խնձորը բար տվեց: Բաղմանչուն մեկ շատ անպետք կնիկ ուներ՝
մեկ օր թագավորը տեսեր էր: Խնձորն օր հասավ, բաղմանչին քա-
ղեց, չորս հատ գրեց բոթնոցի մեջ, էկավ հավուզի մոտ, գրեց լվաց-
վավ, օձն հեկավ խնձորները դեղեց, բաղմանչին խաբար չէղավ,
բերեց գրեց թագավորի հ'առեջ, րսեց. «Քու ղըշի բերած մատահն՝
ա»:

Թագավորն ասեց.—Տարեք տվեք, իմ հեր ծեր ա, թըղ իմ հեր
հ'առեջ ուտա:

Ինչ զդար օր տարան տվին, կերավ, տեղոց տեղ չաթլամիչ
էղավ: Հավար բերին թագավորին, թե քու հեր օր խնձորը կերավ,
չաթլամիչ էղավ: Թագավոր հերոտտավ, ղշու վիզ քաշեց: Բաղման-
չին ուր կնկան շատ դառ ծեծեց, ջանին օր հասավ, ըսեց. «Էրթամ
էն խնձորից, օր թագավորի հեր կերավ մեռավ, ես էլ ուտեմ, մեռ-
նիմ»: Էկավ քանի կերավ՝ չմեռավ, ըսեց՝ «Էրթամ ջուր խմեմ, բա-
լի նոր մեռնիմ»: Լվացվավ, ջուր խմեց, ուր սուրիաթ ջրի մեջ տե-
սավ, օր շա՛տ խորոտցեր էր: Նստավ հավուզի մոտ, բաղմանչին
էկավ, տեսավ օր մեկ խանըմ նստուկ էր հավուզի մոտ, զըվըռնեց
էկավ, բան չասեց, մեկ էլ զըվըռնեց, էկավ տեսավ նստուկ էր՝ բան

1 Երախալիքը, առաջին պտուղը (Մ. Բ.):

շասեց, մեկ էլ զըմբռնեց, էկավ, ըսեց. «Խանըմ, հ'ելի, մուխն ա, բաղի դուռ փակեմ»:

Ըսեց.— Ես խանում չեմ, ընձի չը ճանչընա՞ս:

Ըսեց.— Օր դու չես խանըմ, բա ո՞ր կա քեղնե լավ խանըմ:

Ըսեց.— Ես քու կնիկն եմ:

Ըսեց.— Վա՛յ, աստված չիտա դու կնկաս պես էղնիս, իմ կնկա անուն մի՞ տա, իմ սիրտ խառնեց:

— Իրուատ ըսեցի, ես քու կնիկն եմ, ֆիլան տեղ դու ընձի ծեծեցիր:

— Հըպա իմա՞լ էղավ օր դու խորոտկըցար:

Ըսեց.— Էկա էն թագավորի հոր կերած խնձորից կերա, ջուր խմեցի՝ խորոտկեց:

Բաղմանչին հ'ելավ մեկ օր գնաց թագավորի պալատը, տեսավ օր թագավորն ու վագիրն ու նագիրը կնկա բաս կէնեն. էն կասեր՝ իմ կնիկն ա խորոտ, էն կասեր՝ իմ:

Բաղմանչին ասեց.— Իմ կնիկ ձեր հ'ըմեն կընկտոց մոտեն խորոտ ա:

Թագավորն ասեց.— Էտ ի՞նչ բան էր օր դու ասեցիր, ես մեկ օր տեսա, իմ սիրտ խառնեց, հաց չկարցա ուտել: Քու կնկա բասն օր էրեցիր, էլի իմ սիրտ խառնեց:

Բաղմանչին ըսեց.— Իմ կնիկ օր քու կնկաց խորոտ չէղավ՝ իմ գլոխ զարկ:

Բերեցին տեսան օր բաղմանչու կնիկ թագավորի կնկանց խորոտ էր:

Ըսեց.— Բաղմանչի, ես մեկ օր տեսա, քու կնիկ շատ գեշ էր, էտ իմա՞լ խորոտկըցավ:

Ըսեց.— Էն խնձորներն օր քու հեր կերավ՝ օձ դեղեր էր, իմ կնիկ էն խնձորից կերի՝ խորոտկեցեր ա:

Ըսեց.— Թագավո՞ր, էն թագավոր օր ուր տուտու վիզ քաշեց, փոշմընա՞վ, թե՞ չփոշմընա՞վ:

Ըսեց.— Ի՞մալ չըփոշմընա՞վ, օր համ հեր գնաց, համ տուտին գնաց:

Ըսեց.— Յոթը դատ էն թագավորից շատ փոշմընիս, հ'ելի էր-թանք:

Հ'ելան էկան: Էկան ախկա ամարաթներու դեն, ախլիկը էլի հլեկեն¹ գրեց, թե. «Դու էտ տղին պահեր ես ընձի համար»:

¹ Աղմուկ (Մ. Կ.):

Թափափորը մեկ ձմերուկ առավ, ու դնաց ախշկա ամարաթը, ինքը ու թաղավորը: Գացին նստան, թաղավորից դանակ հ'ուզեց օր կիսեր, թաղավոր հանեց ու թանկագին ակունքներով դանակ տվեց: Թափափորը էժեկեց թաղավորի զրուցելուն հետ՝ դանակ պահեց: Մեկ էլ թաղավորից դանակ հ'ուզեց:

Թաղավոր ըսեց.— Տվեցի ախըր:

Թափափորը ըսեց.— Չտվիր:

Դանակը կորավ, որից հարցուց, մեկն չասեց, թե դանակն իմ մոտն ա:

Թաղավորն ասեց.— Դռներ շինա, տկլոզնանք՝ տեսնանք դանակ վի՞ր մոտն ա: Հ'առեջ Թափափորը տկլոզուց, չգտան, թաղավորին էլ տկլոզուց: Թաղավորի ախշիկ ուր բրդեր (ծամեր) փետեց թե.— Դու էտ ինչ բան էր էրեցիք, հըլը ես քու որդին եմ, էտոնք բիրադի իւրլի ախշիկներ են, ամոթ ա:

Թափափորն ասեց.— Անկարելի ա, պըտի տկլոզնան: Ծռսուն իննը շառին էլ տկլոզուց, բիրադի քսան տարեկան տղա ին: Ըսեց.— Թաղավո՛ր, ձկներու առարկեն կը հարցուցեր ընձե՛ն, փոշմանա՞ր, թե՞ չը փոշմանար:

Թաղավոր բերեց եռսունիննը ջառիոց գլոխ զարկեց, ախշկան էլ: Նոր Թափափորը վերուց դնաց ուր ամարաթ: Էն հասավ ուր մուրադին, դու էլ հասնիս քու մուրադին:

